

Juli 10, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Despues cu Minister a reuni cu nan pa 3 biaha caba **Awor Minister Glenbert Croes kier pasa pa di ta apoya trahadornan di SVGA cu ayera a manifesta pa nan derecho**



E trahadornan di Stichting Verstandelijke Gehandicapten Aruba (SVGA), a manifesta nan frustracion ayera dilanti di Oficina di Gobierno unda cu Minister Glenbert Croes tabata para pafo pa ricibi nan.

E mandatario a cuminsa cu expresa cu como Minister di Labor, e ta apoya nan manifestacion di frustracion y disgusto. Y como Minister di Asunto Social a expresa su preocupacion. Pero e trahadornan no ta kere nada di esaki, pasobra no ta awor, pero ya ta di 3 biaha a reuni cu e mandatario, y el a keda na promesa so. Awor si aparentemente a duna su palabra di lo cumpli. Falta pa wak si ta berdad.

Yiu homber di edad a menasa famia cu morto

DIAMARS atardi pa mas o menos 4:15 p.m Polis a bay Hugo de Grootstraat, unda un problema di famia a bay for di man.

Na yegada di agentenan y scuchando kico tur a pasa a bay over mesora na detencion di un miembro di famia.

Ta trata di un yiu homber grandi caba cu a bay asina leu di menasa su mesun famia cu morto.

Menasa ta algo cu autoridad ta tuma hopi serio, y p'e motibo aki a detene y pidi tambe pa transportwagen pa hibe Warda di Polis di Playa.

Eynan Sub Fiscal lo evalua su detencion y lo dicidi di ta sere. No ta conoci si e yiu homber aki por tabata bou influencia di algo, por ehempel alcohol of droga





Payroll Pro
HRM

- Complete integration of HRM and Payroll
- The #1 payroll software in the Dutch Caribbean
- For all commercial and governmental organizations

Always accurate and easy customizable

Quick support from our locally based specialists



VCC
International NV



Tel.: 583-7072 | info@vcc-int.com | www.vcc-int.com



**INVEST
SECURE**

We don't just say it ... We Guarantee it !!!



ASIS
INTERNATIONAL

Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

Mientras cu Gobierno ta keda para riba cu no tin espacio

Ta bon pa Gobierno sa cu inflacion a bira 4.4%

Mester tin boluntad pa haya e espacio pa paga indexering

SINDICATONAN cu tin representacion den aparato gubernamental manera e.o. SADA, SPA, SIMAR, SEPPA y TOPA a bin hunto ayera den un conferencia di prensa a bin hunto. E empleadonan publico, via di nan respectivo sindicatonan a uni pa splica kico ta nan punto di bista riba e tema di indexering.

A pone bon cla cu e asunto di indexering no ta algo cu di repente nan a bin cune. Si no a bin cune antes ta pasobra no tabata tin perdida di poder di compra.

Edward Maduro, vocero di e sindicatonan, a splica cu e ultimo biaha cu a otorga indexering tabata na aña 2013. Despues di esey a yega na acuerdonan bilateral firma na 2014 den cual ta para algun regla pa loke ta trata indexering, cual a wordo firma dor di mayoria sindicato.

E tempo ey a premira cu pa sigur 3 aña no tabata bay tin e discusionnan ey, pasobra a premira cu no ta bay tin inflacion. Pero na 2018 a cera aña cu un cifra di inflacion di 3.6%.

Na 2019 sindicatonan a dicidi di bin hunto y pidi Gobierno sinta na mesa pa cuminsa cu negociacionnan pa cu indexering. E sindicatonan den un reunion cu Gobierno dia 8 di april, a duna nan punto di bista riba e tema aki.

Despues a sinta cinco biaha mas, mustrandando cada biaha e punto di bista di sindicatonan, pidiendo 3.6% como punto salida y cu pa 30 di juni mester finalisa cu e discusionnan.

Pero Gobierno den cada reunion a duna e mesun explicacion, cu mester di tempo y no a tene cuenta cu indexering ora di a traha presupuesto.

P'esaki mester di tempo y espacio pa Gobierno yega na un proposicion. A pidi un contra-proposicion pa sinta na mesa y negocia, pero no a ricibi esaki.

E ultimo carta cu e sindicatonan a ricibi di Gobierno tin algun punto cu a hala nan atencion. Na prome lugar, cu el a wordo firma dor di casi tur Minister. Y cu Gobierno ta pidi tempo y espacio pa traha riba un proposicion. Un carta hopi vago, pasobra no ta menciona cuanto tempo nan mester.

Edward Maduro a enfatisa cu no ta awor a bini cu e discusionnan, pero pa algun luna caba ta discuti esaki.



Y a bin cu e tema, pasobra tin e cifranan oficial di loke inflacion tabata den 2018 y cu esaki por bati na porta di Gobierno pa pidi e compensacion pa perdida di poder di compra.

Y e perdida di poder di compra a sosode te awor, despues di 5 aña.

E sindicatonan a puntra Gobierno tambe den un di e reunionnan cu no a tene cuenta cu indexering ora cu a negocia cu Hulanda e plafond di gastonan di personal. “Gobierno a admiti cu nan a “overlooked” e parti aki ora cu nan a cera acuerdonan cu Hulanda. Si Gobierno a tene cuenta cu na 2018 tabatin inflacion, awor nos lo no tin mucho discusion pa loke ta gasto di personal.”

Na mesun momento sindicatonan ta adverti Gobierno pa tene cuenta cu e aña’ki e inflacion ta mas halto cu 2018. Ya caba ta papia di un averahe di 4.4%, awor cu ta mey-mey di aña.

Un otro tema cu Edward Maduro, vocero di sindicatonan di empleadonan publico, a trece dilanti durante un conferencia di prensa diamars mainta, ta un reclamo di pensionadonan. T’e asunto di BashiePremie y Gelijkbedrag, cu esnan cu a baha cu pensioen for di prome di januari, 2015, no ta ricibi esaki.

Maduro a splica cu e decision pa kita esaki di pensionadonan, a wordo tuma den forma unilateral dor di Gobierno. Sindicatonan nunca a firma esaki.

E ta hinca tambe den e consulta di pensioen 2014, unda a papia di Duurtetoeslag. Sindicatonan no a firma pa kita esaki, pero a wordo kita di forma unilateral na 2016 dor di Gobierno. Pero e tin atencion di e sindicatonan.

Na su reunion di Rijksministerraad na Hulanda

Prome Minister a trece tranquilidad indicando cu e protocol y normanan firma ta keda valido

Mientras Aruba ta bin cu su propio begrotingskamer pa re-emplasa CAFT



DESPUES di un par di dia basta pisa na unda Promer Minister Evelyn Wever-Croes a atende e instalacion di Presidente nobo di Panama, señor Laurentino Cortizo y despues riba invitacion pa comparti Aruba su vision di turismo y e exito riba esaki, riba e vision y plannan economico y inovacion y e rol di hende muher den tur esaki, Prome Minister tabata un orador n'e conferencia importante Global Summit of Women 2019 na Suisa. Probechando di e biahe aki, Prome Minister atende e Rijksministerraad na Hulanda diabierna ultimo.

Premier Wever-Croes despues di consulta cu Consejo di Minister, a ser pidi pa atende e reunion na Hulanda p'asina confronta y enfrenta Rijksministerraad riba e situacion cu Aruba t'aden aworaki. Despues di e cambio di ley di LAFT cu a pasa den Parlamento, Hulanda a laga sa cu e ta poco dificil pa nan por acepta y biba cu e decision aki y p'esey tambe e tabata na su lugar pa Prome Minister atende e

reunion aki pa splica Rijksministerraad cu pa Gobierno di Aruba nada a cambia cu e decision aki.

Pa Gobierno, e protocol y normanan cu a wordo firma cu Hulanda ta loke ta valido y loke Gobierno ta cumpli cu ne. Segun Premier Wever-Croes, supervision ta sumamente importante, Aruba sin supervision no ta posibel mas p'esey tambe na aña 2015 ora cu e Gobierno anterior a bin cu e ley aki, fraccion di MEP no tabata di acuerdo cu ne.

Tabatin varios alternativa riba mesa y un di nan ta pa pa bin cu un propio begrotingskamer.

Prome Minister a splica tambe na Rijksministerraad cu Gobierno ta trahando riba e alternativa aki p'e supervision cu lo re-emplasa CAFT, cua ta nos propio begrotingskamer. E ley mester wordo entrega na Gobierno pronto, pero mirando e cambio aki den Parlamento, Gobierno ta bay acelera e proceso pa bin cu nos propio begrotingskamer.

“Pa cu esaki mi a indica na Rijksministerraad cu nos mester tin tempo. Pasobra nos no ta cla cu n'e. Tampoco nos lo traha un cos pura den presion di tempo. Nos lo traha algo bon y firme. E begrotingskamer cu lo re-emplasa CAFT, lo tin supervision y ta bay ta den man di pais Aruba segun nos constitucion. Tambe mester ta bon hinca den otro p'asina haci e trabou di supervision adecuadamente”, Prome Minister Evelyn Wever Croes a enfatisa.

Ultimamente tabatin hopi rumor cu Aruba lo haya un ‘aanwijzing’. Esaki sinembargo segun Prome Minister no ta posibel pa Aruba. Aruba por haya un KB, pero no un ‘aanwijzing’. E ultimo aki por bay pa Sint Maarten of Corsou si.

Tambe tabatin rumornan cu lo bin un KB pa Aruba cu tampoco tabata e caso. Pa cua motibo tambe, Prome Minister Evelyn Wever-Croes a dicidi di bay su mes Hulanda y atende Rijksministerraad pa aclarea esaki tambe.

“A indica Hulanda cu Gobierno di Aruba sigur mester tin mas tempo den e simannan nos dilanti. Pa mi tabata importante pa splica nan kico Gobierno di Aruba ta haciendo pa trece e tranquilidad na Rijksministerraad. Nan a indica e ora tambe cu no tin necesidad pa rush pa trata e tema aki y cu nan lo bay hunto cu e tranquilidad cu nos ta trahando. Pero si nan a kier mira cu Gobierno ta cumpliendo cual ta e caso tambe”, Prome Minister a indica.

E bon noticia, Prome Minister Evelyn Wever-Croes ta enfatisa, ta cu no tin niun aanwijzing ni KB cu ta tumando lugar. E relacion den Reino ta stabiel y sin friccion y esaki tambe ta loke Gobierno di Aruba ta traha p'e.

“Esaki ta duna nos espacio p'e siguiente simannan pa nos sigui traha riba nos propio begrotingskamer y manera cu esaki wordo finalisa, Gobierno lo duna tur informacion tocante esaki”, Prome Minister Evelyn Wever-Croes a duna di conoce.



LOKE dirigentenan di MEP, sigur Evelyn Wever Croes y Xiomara Ruiz Maduro a yega di critica, awe a bira normal. Esta tempo cu Mike Eman tabata wordo invita pa conferencianan internacional, awe manera AVP mes a laga sa, “e hendenan aki ta pasa mas den avion y ta yega y pasa Aruba di transito, y sigui cu nan biahe pa conoce mundo mas ainda.

+++++

Siman pasa Evelyn Wever-Croes tabata na Basel, Suisa pa participa na un conferencia di hendenan muher den posicionnan den liderasgo. E Global Summit of Women p’e ultimo 29 aña ta treciendo muhernan di influencia, kendenan ta lidera den negoshi y gobernacion, hunto na Suisa p’e conferencia anual sumamente importante y interesante. Chicote kier pa Gobierno un dia publica tur e biahenan cu Ministernan di e Gabinete a haci. Segun un conocedor, Gobierno aki a biaha (mas miya) te cu awor cu p’e. Gobierno di AVP a haci den 4 aña. Ta berdad? Anto bin cu un lista di inventario pa sa.

+++++

Awor cu Copa Ora ta tras di lomba, pero Tele Aruba mester existi di su naradornan pa ta mas profesional den nan trabou y ta IMPARCIAL!

Stop di ta faborece un team riba e otro. Tele Aruba ta di pueblo y den pueblo tin diferente escogencia di ekipo. Corda cu ta paga nan ta pagabo pa haci bo trabou IMPARCIAL

+++++

Despues di criticanan fuerte di e.o. Ricardo Croes (RED) riba Sue Ann Ras, siman a habri cu e Parlamentario di MEP aki a dicidi di retira for di politica. Pero den mesun rosea a laga sa cu e lo sigui haci su trabao pafor di Parlamento. Y cu e lo sigui tur desaroyo di aserca.

Sue Ann Ras a demostra cu e tin corahe pa tuma dicho decision, maske hopi lo pensa, cu e por a keda. Pero e no a haya ningun sosten di su propio coleganan di partido, y pa laga Ricardo Croes (RED) caba cune durante un programa radial na Hit 94.

+++++



Sue Ann Ras sigur a demostra grandeza, admitiendo cu el a haci un error, pero cuanto di nos Parlamentarionan ora di reunion na Aruba, no ta riba nan I-Pad of celular? Nan no si no ta entrega nan retiro.

+++++

E politico cu lo re-emplaza Sue Ann Ras awor den Parlamento tin cu pasa screening di integridad? Tin demasiado publicacion rond di dje riba facebook, cu sigur ta demostra di no ta un persona integro.

+++++

Awor Sue Ann Ras a tuma decision pa retira como Parlamentario pa mira Netflix. Pregunta cu nos ta haya ta, y Alan Howell, Vice Presidente di Parlamento ta pega soño durante acto protocolario na Corsou. E tambe mester entrega su retiro, siendo e no ta representa Aruba su pueblo dignamente?

+++++

Sue Ann a tuma e honor na su mes y esey ta di respeta, e hopi comentarionan negativo pa su persona lo ta un motibo. Pero di e comentarionan uno cu a bay mas leu y no a haña e atencion necesario tabata di e Parlamentario Hulandes Ronald van Raak, Y ya cu e lectornan di Chicote ta domina Hulandes ta pone asina manera el a aparece den un medio na Hulandes. “volgens Tweede Kamerlid Ronald van Raak bevestigt dit verder het beeld dat de IPKO voor veel parlementsleden een ‘verplicht nummer is’. Je merkt bovendien dat er wel veel mensen afwezig zijn tijdens de vergaderingen. Dit kost allemaal geld van de belasting betaler.”

+++++



Parlamento lo mester bay reuni serio riba e remarkenan aki di un Parlamentario Hulandes defendiendo e pueblo pagador di belasting na Aruba.

Pero tabatin un matutino cu siman pasa riba pag 3 a relata di esaki na Papiamento, pero cu un storia net pa robes, conclusion ta cu e periodista ey no ta domina Hulandes y riba pag 5 a gasta pa colmo casi full un pagina pa acusa AVP y Mike Eman cu ta nan ta causa di tur e mal comentarionan. Pret ta cu awor Presidente di Parlamento, Ady Thijssen ta duna prensa Hulandes e causa y no AVP.

+++++

Sigur Luigi no t'esun mas stima den pueblo cu tur su gañamento hunto cu MEP encuan to no paga schoolgeld, airco, scapa lagadishi tempo di proyecto Racetrack etc. pero tog e lo ta puntrando su mes lo siguiente. Si nan ta ta planeando pa schors mi encuan to adulteria sin cu mi ta Parlamentario ainda di con no e Parlamentario mes mes cu tambe cu supuesto adulteria cu un docente na Merca manera ta wordo bisa den pueblo. Palabra ta na Eveline.

+++++

Tin un dicho Hulandes cu ta bisa "als de kat van huis is dansen de muizen op tafel". Awor si e Minister ta mas van kantoor cu na kantoor e ora ta mas cu dansen riba mesa tin.

+++++

Yama otro pa ladron, no ta kita for di bo, cu abo ta mas ladron ainda. Banda di ta ladron, bo ta un abusador di menor di edad, esta di saca un menor di edad na estado y awe bo ta nenga di cria e criatura.

Si bo ta yama otro pa ladron, mihor bo wak bo cara den spiel. Pasobra esun cu bo ta yama ladron, no a wordo poni den boei, siendo abo si. Esun cu bo a haya ladron, no a pasa ni un anochi den cel, abo si. Esun cu bo ta yama ladron, no a ser huzga, pa awe bo ta califike como ladron. Abo tabatin suerte cu bo no a ser hiba dilanti mesa berdad. Yamando otro pa ladron, no ta kita e mancha cu abo tin riba bo nomber.

Y por ultimo, esun cu bo ta yama ladron, no a entrega su sharesnan pa su libertad, pero a haya pago pa nan. Si e tabata ladron, e lo mester a bay sera, y esey sigur no tabata e caso. Kier men, e ladron t'abo mes y tin raportnan pa demostra esey.

+++++

E ladron mes, t'esun cu a horta material di Misa di Santa Cruz pa traha bo cas. Mucho mas leu Chicote no kier bay (ainda).

Maneha bo negoshi cu e seguridad di ENNIA

- ✓ Rapido y confortabel
- ✓ Cobertura amplio
- ✓ Tur cos den un

Test bo riesgo!

Como empresario bo kier ta sigur di bo empresa. Pasobra ni maske con duro bo traha algo por bai robes. Na e momento ey confia riba e siguransa cu ENNIA ta brinda bo. Asina ey bo ta percura pa proteccion optimal pa bo compania, bo continuidad y esun di bo trahadonan. Traha un cita awe mes cu un di nos conseheronan.

Bo ta interesa pa sa si bo risiconan comercial ta bon cubri na e momento aki?
Bishita ennia.com/business pa un "risicotest" completamente GRATIS!

ennia
Sintí bo sigur!

DIP ta recorda cu mester pidi aanlegvergunning prome cu rosa tereno mas grandi cu 750m²

Haime Croes (DIP) ta pidi comunidad pa tene na cuenta cu tin regla, y cu mester mantene na nan




MANERA a informa anteriormente den e Ruimtelijk Ontwikkelingsplan (ROP) tin diferente area defini riba Aruba y cual ta pone funcion na nan, manera e.o. zonanan di proteccion di naturalesa, area turtisco, industrial, costa y area pa biba.

Director di DIP sr. Haime Croes ta splica cu ta hiba un maneho cu ta corala cu esun di DNM den cual ta respeta y proteha naturalesa y medio ambiente.

Den cuadro di esaki ta mira cu ainda hopi hende no ta consciente di aspectonan di proteccion natural.

Recientemente ta mira critica cu a drenta pa un situacion na Sabana Basora caminda cu hende a rosa un di e matanan di mas protegi na Aruba cual apenas tin algun di nan, ta trata di e Palisia Cora.



Sr. Haime Croes a duna di conoce cu a analisa e situacion y a ripara cu enberdad tin un instancia cu kier traha un Moskee y cu nan a rosa sin aanleg vergunning. Ta haya e caso hopi lamentabel mas aun dor cu a bay den conferencia di prensa cu e tema di aanleg vergunning y a manda señal pa comunidad informando pa por favor si tin tereno mas grandi cu 750 m² pa pidi un aanleg vergunning. Si no pidi p'esaki, lamentablemente mester parti un multa riba e aspecto aki, como cu e ta contra ley.

'Di otro banda a sinta hunto cu DNM pa trata e diferente mata y animalnan cu ta protehi, a avisa coleganan di DNM pa tuma medida den e caso aki, pasobra esaki no t'e manera di anda cu naturalesa.

Nos pais ta chikito y si no tene cuenta cu e poco cu nos tin, nos lo tin un pais cu no ta sano! Pues ta pidi comunidad pa tene na cuenta cu tin regla, y cu mester mantene na nan', Haime Croes a conclui.

Aruba Bank kier informa di e siguiente metodonan di pago pa e schoolbijdrage pa aña escolar 2019 - 2020

Informacion necesario na momento di pago

- Number di AZV di Studierende
- Number y Fam di Studierende
- Number di e Scol

Cuenta di Banco: Aruba Bank
 Number di cuenta: Stichting Katholiek Onderwijs Aruba
 Number di cuenta: 6005292

TUR mayor cu paga SKOA Schoolgeld online prome cu 31 di juli 2019 ta participa pa gana AWG 500.-

Find us on:



www.arubabank.com

Arubabank

Minister a apoya e trahadornan di SVGA cu ayera a manifesta pa nan derecho



E trahadornan di Stichting Verstandelijke Gehandicapten Aruba (SVGA), a manifesta nan frustracion ayera dilanti di Oficina di Gobierno unda cu Minister Glenbert Croes tabata para pafo pa ricibi nan.

E mandatario a cuminsa cu expresa cu como Minister di Labor, e ta apoya nan manifestacion di frustracion y disgusto.

Y como Minister di Asunto Social a expresa su preocupacion. Corectamente manera e mandatario a bisa:

“No por ta cu nos ta atendiendo e crisis social di nos pais y e trahadornan den e sector social mes ta pasando den crisis personal.”

Esaki p’e mandatario ta inaceptabel, pasobra ta nan t’e ‘frontline’ di e cuido social y no por t’asina cu nan tin añan largo perhudica, danki n’e formula nobo di subsidio cu AVP a introduci 1 di januari 2017.

E asina yama “outputsubsidie” a perhudica tur instancia financieramente di tal forma cu e trahador de facto no por haya promocion cu e tin derecho riba dje.

Comosifuera poco, desde cu AVP a introduci e outputsubsidie, hopi di e trahadornan a keda cu promocionnan pendiente for di 2014, 2015, 2016, sin cu a honra esakinan.

Pa colmo ningun departamento gubernamental kier asumi responsabilidad y mas bien ta laba man pa atende cu e asunto aki.

Consecuencia? E derecho di e trahadornan ta colga y p’e mandatario esaki ta totalmente inaceptabel.

Esaki t’e motibo cu a conduci na dos decision di Minister Glenbert Croes. El a institui:

1. Un comision presidi pa sra. Glenda Hernandez, Directora di Departamento di Asunto Social (DAS) pa evalua henter e ‘outputsubsidie’ di AVP y presenta un propuesta nobo di subsidio cu ta carga aprobacion di tur fundacion.
2. Un comision presidi pa sra. Jenny Quijada, Recurso Humano di Bureau di Minister, cu lo bay traha riba e promocionnan cu a keda colga for di 2014, 2015 y 2016 pa ‘once and for all’ cumpli cu locual e trahadornan tin derecho riba dje.

Esaki ta dos decision cu ya ta den ehecucion. Lamentablemente no a logra termina dentro di e tempo cu Minister Glenbert Croes a stipula pa su mes, pero a expresa un biha mas n’e trahadornan cu nan por ta sigur cu e lo t’esun cu lo percura pa drecha y honra nan posicion huridico y tur locual cu nan tin derecho riba dje.

Minister di Husticia mr. Andin Bikker

Aruba a haci peticion na Hulanda pa yuda den infraestructura di e mast p'e radarnan



E radar cu Aruba ta bay haya tin dos aspecto, segun Minister di Husticia mr. Andin Bikker. E ta un ekipo sofisticada, pero na final di dia mester por aloca e radar riba un mast.

P'esaki a haci un peticion na Hulanda ora nan a bin cu un fondo basta substancial pa aloca entre Aruba y Corsou.

Di parti Aruba tabatin e posibilidad pa haci peticion pa cierto proyecto den cuadro di re-enforsa e fronteranan.

Den cuadro di esaki a sinta cu diferente departamento unda a traha riba diferente project-dossier. Un di nan ta p.e. unda Warda nos Costa ta aworaki. Conhuntamente cu un arkitekto a presenta un proyecto pa ampliacion di e edificio, pasobra ta bay aplica e Shiphol Model.

Esey ta haci cu obviamente mester ta prepara p'e personanan si nan bin por retene nan eyden y no laga nan bay den circunstancia no desea.

Pa loke ta radar tambe ta un project-dossier unda a ordena nan caba, pero ora nan yega mester pone nan riba un mast.

Pa traha riba e infraestructura p'e mast a haci un peticion na Hulanda si nan kier contribui cu e aspecto aki.

Segun e mandatario, riba esaki no a haya contesta ainda. Si Hulanda kier contribui, Aruba lo ta hopi gradici y si Hulanda no kier contribui Aruba mes ta paga p'e gastonan.

E radarnan ta biniendo y ta spera cu aki dos siman y mey pa tres siman nan ta na Aruba. Actualmente ta trahando riba e infraestructura pa ora e radarnan yega por instala nan n'e diferente spot cu e fabricante a recomenda.

Cu e radarnan aki, ta bay haya cobertura optimal y detecta lanchanan cu no ta registra cu ta subi frontera.

Minister Andin Bikker tambe a splica cu e radarnan ta bin cu un dimension adicional, pasobra e sistema t'asina sofisticada cu hasta e aspecto di medio ambiente por detecta.

P.e. un barco di petrolero basha azeta na un manera no permisibel den awa teritorial di Aruba por detecta esaki via e sistema hopi detaya, sofisticada y desaroya segun Minister Andin Bikker.



**TIMESHARE
FOR SALE BY OWNER**



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

Entrante awe

Tin rebaho den prijs di productonan petrolero



Minister di Finansa, Asuntonan Economico y Cultura, Xiomara Maduro ta anuncia e prijsnan nobo di benta di combustibel entrante awe 10 di juli 2019 a conoce un reduccio:

Gasoline unleaded-premium:

208,0 cent p/ltr. (- 1,5 cent);

Diesel LS: 174,2 cent p/ltr. (- 9,5 cent) y

Kerosin: 163,4 cent p/ltr. (- 8,3 cent).

E prijsnan ta inclui BBO/BAZV/BAVP.

Johnson
notary services

AUCTION THURSDAY JULY 18, 2019

On Thursday July 18, 2019, at 11 AM, at the Conference Room of the Chamber of Commerce, Aruba, will be auctioned in public. ex. art. 3:268 jo. 3:254 Civil Code of Aruba:

A residential house locally known as

MACUARIMA 16-C

standing on a parcel of property land, 630 m2 m2 in size, situated at Macuarima in Aruba, locally recorded as Third Department Section D number 921.

No minimum starting price will be used for the auction of this property.

Only serious offers will be considered.

AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.

For more information:

WWW.JOHNSONNOTARY.COM

Minister di Husticia mr. Andin Bikker

E ley pa aumenta castigo p'esnan cu comete crimen di abuso di menor ta cla pa bay Raad van Advies

FOR di tempo cu Minister Andin Bikker tabata den Parlamento, e por corda cu na 2010 a institui un comision special cu e tabata forma parti di dje pa atende cu e problematica di abuso di menor. Segun Minister Bikker, e tempo ey a introduci un ley riba iniciativa di fraccion di MEP pa introduci castigo minimo.

Na 2015, 2016 tabatin diferente manifesto cu a keda entrega na Parlamento y un otro comision e tempo ey a entrega un raport caminda a constata cu no solamente na 2010 e problematica aki tabata existi caba, pero na 2013 bin riba e cantidad di denuncia a aumenta drasticamente.

Den acuerdo di gobernacion di Gabinete Wever-Croes, a haci compromiso cu Aruba unda ta bay dedica atencion specifico riba e tematico aki. Segun Minister Bikker, e Gobierno aki a tuma e reto aki hopi na serio y ta cumpliendo cu esaki y por mira cu prome di juni, Buro Sostenemi a bira e punto central pa Meld Code p'e melding nan.

Los di esey a haci compromiso cu lo bay haci cambionan den ley drastico cu ta trata e.o. castigo.

Lo bay aumenta e castigo maximo drastico p'e tipo di e crimennan contra menor. Minister Andin Bikker ta spli-ca cu e hecho castigabel no ta bay caduca mas.

P.e. si un persona despues di 20 aña tin e curashi di enfrenta e hecho cu un hende hopi cerca di dje a falta respet pe ora e tabata menor di edad y e bin dilanti ainda e crimen ey no a caduca.

Un di tres aspecto cu Minister Bikker a trece dilanti t'e conseho di Centrale Raad voor Reclassering cu ta duna conseho ora di laga personanan den libertad condicional. Loke Minister Bikker a ripara den e ley, cu esaki t'asina estricto cu si Centrale Raad voor Reclassering bisa cu un persona mester ser laga den libertad, como Minister e no tin e poder pa bisa cu no ta laga e persona bay.



Minister Bikker ta haya cu si e tipo di crimen ta hopi serio, semper e persona cu ta politico responsabel mester por bisa cu e tin otro opinion pa laga e persona keda deteni y sinta su castigo te maximo.

Un otro ley cu ya caba ta hopi leu, t'e werkboek nobo van strafvordering. Den esey ta introduci e.o. e derecho di e victima y tambe hende hopi cerca p.e. un representante legal.

Momento cu trata un caso penal contra persona cu a comete un crimen, sea e ta un victima of su representante legal na final di e tratamiento prome cu Huez tuma decision e tin derecho di hiba palabra.

Segun Minister Bikker, e ta haya ta hopi importante pa proteccion y derecho di e victima y e persona rond di dje cu ta sufri di un crimen por hiba palabra. Huez por tuma den consideracion ki tipo di castigo pa impone y por tene na consideracion ki impacto e crimen tabatin riba e victima y su medio ambiente.

E ley den su proceso ta bay Raad van Advies y ora e bin bek e ta bay Parlamento y Minister ta spera cu pa september, october e por drenta na vigor.

Minister Glenbert Croes un biaha mas

Ta aproba extra beneficio pa yuda mayornan riba Asistencia Social cu gastonan di scol



ORA cu pueblo di Aruba mediante su proceso electoral confia bo den e funcion di Minister, bo decisionan diario mester ta na beneficio di nos pueblo en general. Y esaki ta hustamente locual Minister Glenbert Croes a bin ta haciendo desde su encargo 17 di november 2017, tur dia, den tur su decisionan.

Su motivacion principal semper t'e bienestar di nos hendenan, teniendo nos hendenan central den tur decision.

Ta cu hopi satisfaccion cu awe, un biaha mas, e mandatario ta anuncia su aprobacion pa beneficio adicional pa yiunan cu ta bay scol den dia, di mayornan cu ta ricibi asistencia social.

Gobierno di Aruba ta respeta e derecho universal di tur mucha riba enseñansa. Den cuadro di esaki,

Minister Glenbert Croes a aproba e suma di Afl 220 adicional pa mucha te na un maximo di Afl 800 pa famia.

E suma aki ta pa yuda cubri gastonan manera articulonan pa scol, uniform etc. Pero pa percursa pa ningun mucha keda atras, e mandatario a aproba ademas di e suma ariba menciona, un suma adicional di Afl 120 cu lo wordo paga directamente n'e scolnan despues cu e mayor(nan) entrega tur e documentonan necesario cumpliendo cu tur rekisito.

Gobierno su vision y mision ta eleva calidad di bida di nos hendenan den tur sector di nos comunidad, pero cu un enfoque special den brinda nos muchanan e oportunidad pa nan nunca keda atras di loke ta nan derecho fundamental y universal di haya e oportunidad na un mihor bida y porvenir.

Minister Dangui Oduber a procura pa aloca fondo p'e Proyecto B-Smart



DESPUES cu FADA a ricibi training intensivo pa loke ta bay bira e programa di B-Smart awor por bisa cu meta ta pa introduci esaki entrante aña escolar nobo.

Cu fondonan aloca pa Ministerio di Salubridad Publico orguyosamente nos por realisa e proyecto B-Smart encarga pa FADA.

PROGRAMA B-SMART

E programa di B-Smart ta un programa di conscientisacion riba salud mental pa muchanan di klas 5 y 6. E programa aki ta siña e muchanan kico ta adiccion. E programa di B-Smart ta focus riba cuater (4) aspecto: Alcohol, humamento, droga y gaming & internet.

E enfoke pues ta riba e parti di adiccion, principalmente di forma preventivo.

Esakinan ta ser duna durante cuater (4) siman consecutivo n'e muchanan.

E idea di e programa ta, p'e ta uno interactivo, den cual lo toca diferente topico manera peerpressure, uzo di substancianan.

Por medio di ehempelnan bibo ta siñanan reconece tambe kico ta pasa rond di nan ambiente y p'asina reconece factornan di riesgo pa cu adiccion sea na cas y/of den seno di amigonan.

Di e forma aki kier logra prepara e muchanan pa tuma decisionnan responsabel y di forma consciente pa situacionnan cu ta bay presenta den nan bida diario ora cu nan yega scol avansa.

Programanan preventivo riba tereno di salud mental ta parti integral di e maneho cu Minister Dangui Odube ta hibando.

Ta hopi tristo pa mira con durante un gobernacion di 8 aña FADA no a ricibi nada EXTRA pa traha den e parti preventivo. P'e motibo aki awor e Gobierno aki a aloca fondo pa FADA por opera manera mester ta.



Operacionnan di Emergencia ta posibel tambe pafó di Reino Hulandes

Promé Minister di Sint Maarten, señora Leona Marlin-Romeo, na nòmber di Reino Hulandes a firma un 'Memorandum of Understanding' (MoU) cu Caribbean Disaster Emergency Management Agency (CDEMA). Esaki a sosodé dialuna último, dia 8 di jüli, na Barbados. CDEMA t'e forum profesional di coordinacion organisá di CARICOM, pa combatimentu di desaster den Región Caribe.

Durante e ceremonia di firmamento, Promé Minister di Sint Maarten a para keto n'e contribucion di Militarnan Hulandes durante temporada di operacionnan di emergencia di ultimo añanan. Citando: *'Speaking on behalf of the Kingdom of the Netherlands, I am proud to refer to the great ability of the Dutch Royal Navy, based on Curaçao, who has shown their willingness to assist with vital relief, which it has delivered to various nations in the region. The Dutch Royal Navy has acted swiftly and accurately and with great determination in the cases of disaster, for example in Haiti in 2010 and 2015 and Dominica in 2015 and 2017. Not to mention the invaluable role the Dutch Royal Navy Command has played in the Caribbean during the emergency response and relief efforts on Sint Maarten post Hurricane Irma.'*

'Papiando na nòmber di Reino Hulandes, mi ta orguyoso di referí n'e gran habilidad di Marina Real Hulandes, basá na Còrsou, cu a muestra nan boluntad pa asistí cu alivio vital, cu nan a duna na varios nacion den region. Marina Real Hulandes a actua cu ligeresa y acuracia y cu gran determinacion den casonan di desaster, p.e. na Haiti na 2010 y 2015, y Dominica na 2015 y 2017. No mester keda sin mencioná e ròl asina balioso cu e Comando di Marina Real Hulandes a hunga den Caribe durante e reaccion di emergencia y esfuersonan di alivio na Sint Maarten despues di Orcan Irma'.

Cu firmamentu di e MoU aki, e colaboracion entre Reino cu CDEMA ta keda formalisá y un eventual contribucion Hulandes na momento di crisis (di orcan) den Region Caribe – den practica hopi biaha duná pa Defensa/CZMCARIB – por keda conectá mihor cu e estructura regional di coordinacion di combatimento na momento di desaster, pa mayor eficiencia na momento desplega esaki.

Ademas di Reino Hulandes tambe Reino Uní, Canada, Estados Unidos di Merca y Francia ta conectá cu CDEMA, cu e meta pa por utilizá nan eventual contribucionnan den e cuadro di e gestion di crisis, di e manera más eficaz y eficiente.

FTA a mustra cu mester stop di culpa Gobierno anterior

Pasobra 3 biaha caba a sinta cu Minister Glenbert Croes y ainda no tin un solucion p'e trahadornan di SVGA



E trahadornan di SVGA a cansa di sinta warda cu Minister of Gobierno ta cumpli pa duna nan e promocionnan cu nan mester haya. Esey ta motibo cu nan a presenta ayera mainta dilanti di Bestuurskantoor.

Ta for di 2016 nan ta pega ora cu Gobierno a bin cu un sistema di subsidio nobo, den cual no a inclui placa pa gastonan extra di personal, manera promocionnan.

Awor esaki ta bira un problema serio, mas ainda despues cu a acorda cu CFT un suma di 479 miyon florin pa gasto di personal, cu Gobierno no mag surpasa.

E problema aki ta bin hunto cu esun di indexering cu Gabinete Wever Croes no a tene cuenta cun'e tampoco den presupuesto 2019.

P'esey e trahadornan a dicidi di di acudi diamars mainta na Bestuurskantoor, pasobra e problema di nan derechonan ta algo cu ta data for di 2016 y 4 biaha caba a sinta na mesa: Cu e Minister anterior y esun actual. Hasta Rudy Geerman di FTA a bisa cu a papia cu 4 Minister riba e tema aki.

“Lamentablemente niun biaha nos ta haya atencion. Cu e Minister actual nos a papia tres biaha”. Aworaki a logra haya un reunion cu Minister Glenbert Croes atrobe y a haci cierto palabracion.

Awor FTA ta bay pone tur loke cu a palabra riba papel, pa evita mal interpretacion despues.

Na 2017 a drenta e sistema nobo di areglo di subsidio, cu tabatin bon intencion, pero no a ehecut'e di e bon forma.

Ta parce awor cu desde 2017 no kier papia mas di derechonan di e trahadornan. Nada di esaki no a wordo regla prome cu e areglo nobo a drenta na vigor.

“Esaki sigur no tabata e intencion. A introduci algo nobo, pero e derechonan di e trahadornan mester keda respeta.”

Den e reunion e sindicato a pone un fecha, cu ta fin di october, pa regla tur loke cu ta pendiente di e trahadornan, manera promocion, keda paga. Tin dos situacion cu tin nan preocupa.

Uno ta cu tin un grupo di trahador cu a sigui cierto estudio cu nan a finalisa.

“E estudio aki tin cierto balor y mester hinca nan den un otro schaal. Pero esey no a sosode pasobra e stichting a bisa cu e no tin placa. Semper ta bisa cu ta stichting mester percura pa paga e trahadornan. E cos aki mester wordo regla no mas laat cu october di e aña'ki.”

E otro problema ta cu esnan cu a drenta cu e diploma ey caba, no ta poni den e schaal debido. Gerencia ta bisa cu no por paga nan manera debe ser, mientras cu esnan prome cu nan no a haya pago mes ainda.

Awor tin un palabracion cu pa october e cos aki mester ta tras di lomba. E obligacion pa cu e trahadornan di e stichting ta costa 500 mil florin cu forsa retroactivo. Ta papia di un grupo di un poco mas cu 30 persona.

El a recorda cu e Ministernan a wordo scogi pa maneha y mester busca e solucion. Maneha ora cos ta bon tur hende por haci esey, pero den e caso aki tin un obligacion pa cu e trahadornan.

“Si tin un situacion financiero cu no t'asina bon mes, pero e salario ta wordo paga tur luna. Nos no ta pidi nada extra, solamente loke cu e trahadornan tin derecho riba dje. Apesar cu e situacion ta malo, tur luna e trahadornan tin cu cobra, pasobra nan a traha. Mas nan tarda, mas e ta costa. No por keda warda mas.”

Rudy Geerman a splica tambe cu e intencion no ta pa saca e placa aki for di Fondo Crisisplan Social, pero e mester wordo saca di e post general di gastonan di personal.

Premier Evelyn Wever-Croes:

ENSEÑANSA SPECIAL AVANSA PA NOS MUCHANAN SPECIAL



PA Gabinete Wever-Croes nos muchanan na Aruba tin prioridad, sin laga niun mucha atras. Siman pasa, esaki a wordo demostra tambe momento cu Premier Evelyn Wever-Croes hunto cu Minister di Asunto Social, Glenbert Croes a yega na un solucion pa loke ta trata educacion pa nos muchanan special.

N'e momentonan aki no tin enseñansa avansa pa nos muchanan special. Despues cu nan haci 16 año y nan caba Scol Dununman, no tin nada pa nan por sigui despues. Esaki, p'e muchanan cu ya a haya educacion caba, por ta devastador y nan lo bay atras. Y pa Gobierno di Aruba esaki no por.

Gabinete Wever-Croes mirando e importancia pa nos muchanan special sigui haya educacion despues cu nan haci 16 año, a dicidi di bin cu Enseñansa Special Avansa pa nos muchanan despues cu nan sali for di Scol Dununman. E Enseñansa Special Avansa aki yama VSO; Voortgezet Speciaal Onderwijs pa año escolar 2020/2021.

Pa año escolar 2019/2020 lo tin un arreglo transitorio. Bou di e Crisis Plan Social cu ta cay bou di Minister Glenbert Croes, lo percura p'esaki bin na vigor.

E motibo pa cua esaki VSO ta cay bou di Crisis Plan Social ta pasobra Gobierno ta kere cu nos muchanan special t'esnan mas vulnerable den nos sociedad y nos mester protege nan y enforsa nan pa nan por para riba nan mesun pia.

Voortgezet Speciaal Onderwijs lo drenta na vigor e año escolar 2020/2021. Esaki no por cuminsa cu e año escolar cu ta bin aki pa motibo cu ta rekeri e tempo pa hinca esaki den otro.

P'e año escolar aki tin un arreglo transitorio na unda cu e muchanan cu a caba Scol Dununman aworaki lo haya enseñansa special transitorio pa un año na CEDES, mientras nan ta warda pa cuminsa enseñansa special avansa na año escolar 2020/2021.

Premier Wever-Croes a duna di conoce cu VSO no ta solamente pa muchanan cu aworaki a caba Scol Dununman, pero tambe p'esnan cu ya a caba prome cu e muchanan aki y no tabata tin otro enseñansa pa sigui.

Prome Minister Eveline Wever-Croes kier a gradici e comision bou di guia di señor Hans Geerman y Minister di Asunto Social pa tabata asina diligente pa yega na un solucion aworaki temporal pa 1 año, mientras ta traha riba e plan structural pa nos muchanan special pa año escolar 2020/2021.

"Cu e VSO aki, nos ta sigur y nos ta confia cu nos ta duna e muchanan special un base mas firme cu nan por para riba nan mes. Pasobra nos hendenan special tambe tin derecho y merece mihor oportunidadnan den bida. Nos no a yega ainda unda nos kier ta, pero nos ta riba e bon caminda!", Premier Wever-Croes a enfatisa.

ATIA ta trece ASTEC, WEB Aruba, APA y representantenan local di liñanan di transporte maritimo hunto



SIMAN PASA ATIA a organisa un reunion entre representantenan di ASTEC, WEB, APA y e liñanan di transporte maritimo pa ricibi un update y discuti riba e problemanan cu e huma di, entre otro, WEB Aruba N.V. a bin ta causando pa mas cu un aña caba.

Mirando e efecto negativo y consecucionan pa comercio cada bes cu e trahadornan mester para nan trabou pa via cu e huma ta afecta e trahadornan, ATIA a dici di intermedia y trece e companianan envolvi desde un principio na mesa p'asina purba yega n'e causa di e problema y na solucionan sostenibel pa tur partido.

For di 2018 e proceso aki a cuminsa y aunke e problema no ta completamente soluciona ainda, por bisa cu ASTEC, WEB y APA ainda ta trahando pa yega na un waf cu por brinda un servicio confiabel, consistente y eficiente.

Algun di e pasonan cu a wordo tuma dor di WEB Aruba pa por trece alivio den e situacion aki ta e.o. e cambio pa un fuel oil cu ta contene un porcentahe mas abou di sulfur, e uso di diesel enbes di gasolin pa cende y paga e motornan, y "root blast" necesario diariamente cu awor ta wordo haci prome cu 6or di mainta y despues di 6or di atardi.

Ademas, WEB Aruba N.V. a cumpra 6 motor nobo cu lo yega y wordo instala na mei 2020, cu ta garantisa 25% menos di emision.

Varios monitor a wordo instala riba e tereno di WEB y tambe na ASTEC pa controla e calidad di aire. ASTEC y WEB ta trahando riba un protocol segun normanan Europeo pa cu calidad di aire y cu lo claramente stipula ki ora ta safe pa traha y ki ora ta hustifica pa un paro di trabou tuma lugar.

Un punto importante cu e representantenan di e companianan di transporte maritimo a trese dilanti ta cu ta importante pa Gobierno bin cu ley y normanan pa calidad di aire pa cualkier compania cu ta of kier establece su mes den e area industrial di Barcadera p'asina evita e problemanan cu e ta causa p'e trahadornan di no solamente e waf, pero tambe e barconan y otro companianan den e area.

E proceso di yega na soluciona e problema aki, tabata un reto grandi, pero ATIA ta contento di por a trece e partidonan concerni hunto pa dialoga y purba di yega na solucionan concreto. Aunke ainda no a yega caminda mester ta, ta importante cu tur esfuerso ta enfoca riba e mesun obhetivo.


Ta respeta derecho di tur ciudadano y ta reconoce balor di e pos di awa

MINISTER Otmar Oduber di-aluna a bay tira un bista na Saliña Cerca, pa un situacion cu a hala atencion recientemente den media. Ta trata un tereno unda cu tin un pos di awa cu ta existi pa hopi aña y cu ta den uzo, pero cu ta ubica riba un tereno erpacht cu a wordo otorga mas di 10 aña pasa. E situacion a hala atencion di becindario y comunidad aworaki cu ta mira cu tin preparacion pa construccion riba e tereno ta cuminsa tuma lugar y e riesgo di cu lo dempela/laga cera e pos.

Gobierno lo respeta e erfpacht di e tereno, sinembargo considerando e importancia di e pos aki, a instrui DIP pa contacta doño di e tereno. Pa mira e posibilidadnan pa por intercambia tereno pa Aruba por mantene y conserva e tereno cu e pos, considerando e impacto p'esnan cu ta uza e awa y necesidad di esaki.

Na final di dia e ta keda un decision di e doñonan di tereno apesar cu e ta un erfpacht, e ta otorga oficial y legalmente, pero nos ta kere nos tin espacio caminda Gobierno por asumi responsabilidad aki di duna un cambio un "ruil" di tereno."

P'e personanan por haya un tereno di mesun balor, pa sigui cu nan meta di yega na un cas, di e forma aki cumpli y respeta esnan envolvi. Adicionalmente lo yega na un acuerdo cu Santa Rosa tambe pa mantencion y maneho di esaki.



Parlamentario Hendrik Tevreden, Presidente di MEP:

“Colega Sue Ann Ras a scoge pa retira despues di e sucedido cu a tuma lugar na IPKO”

MANERA ta conoci, algun siman atras e delegacion Arubano a biaha pa Hulanda en conexion cu IPKO. Parlamentario Sue Ann Ras tabata den noticia como cu el a wordo filma ta wak Netflix durante reunion. Como Presidente di Partido a scoge pa warda yegada di Parlamentario Ras na Aruba, pa sinta cu ne personalmente pa haya sa e contexto di loke a sosode cu su persona.

E reunion no mester a dura largo, como cu Sue Ann Ras tabata firme den su posicion cu e mes ta scoge pa retira di Parlamento. Un noticia cu a cay poco pisa, pero cu tin tur comprension p’esaki debi n’e impacto cu e sucedido tabatin riba su persona.

E caso por a wordo trata diferente manera, pero ta remar-cabel cu e

grandesa di Parlamentario Sue Ann Ras a sobresali ora cu firmemente el a splica cu loke a sosode no tabata corecto ni conforme e Codigo di Integridad, y p’e motibo ey e ta scoge pa retira.

Parlamentario Ras a pidi su disculpa na nos partido y fraccion y tabata arepentí di loke a sosode.

PARTIDO

Pa partido sra. Sue Ann Ras ta un bon colega, cu a duna su aporte grandemente n’e area social, cu a traha di cerca y haci hopi esfuerço pa Aruba por a termina e proceso di meldcode pa abuso di mucha.

Tampoco no ta desconoci cu e tabata fuerte cu su ponencianan riba e cartera di enseñansa. Apesar cu no tur ora esaki tabata wordo aprecia pa coalicion.

Sue Ann Ras semper a para pa loke e tabata kere aden y a haya cu ta necesario cu e puntonan aki haya e atencion debido. E peticion di retiro di colega Ras awor lo encamina segun un proceso. E lo wordo atendi den directiva, siguiente-mente den Consejo di Partido y di eynan lo evalua e caso y lo yega na un conclusion final.

Como cu colega Sue Ann Ras a cede su puesto na partido, ta keda na partido cu si

lo acepta esaki of ta pidi colega Ras pa evalua su decision.

E CONTEXTO

Tur cu a wak e video, por a mira locual a sosode durante e minuutnan di grabacion. Sinembargo pa aclaria e contexto den experiencia di Parlamentario Sue Ann Ras ta su deber pa informa esaki tambe na comunidad, segun Hendrik Tevreden. No pa hustifica, sino mas bien p’e transparencia cu mester tin den e forma di hiba politica y pa duna e contexto completo di e sucedido.

Parlamentario Ras a splica cu e reunionnan pa su mes y mes-cos p’e otro coleganan tabata hopi pisa, banda di esaki e mester a trata cu e perdida di un familiar na Hulanda den e biahe aki. Nada no lo hustifica e decision cu el a tuma den e reunion pa ta ocupa cu Netflix, pero probablemente si enbes di esaki e lo a scoge pa sali for di reunion pa distrae su mente di su preocupacionnan, e storia lo tabata diferente.

Segun Hendrik Tevreden, como Presidente di partido e ta sostene e decision cu colega Sue Ann Ras a tuma. E ta muestra grandesa di admiti su error y a tuma e pasonan cu ta cuadra cu esaki tambe.


Mi ta spera cu den e politica nobo cu nos ta anhela pa mira na Aruba, cu e paso aki lo refleha e ehempel cu nos kier mira den nos comunidad, Tevreden a conclui.



Mentornan di Fundacion Telefon pa Hubentud Aruba a ricibi training di Conscious Discipline



DEN cuadro di tin un organizacion sostenibel y prepara pa por duna un servicio di calidad na tur nos mucha y hobennan di Aruba, tur aña Fundacion Telefon pa Hubentud Aruba ta organisa ‘Deskundigheidsbevordering Dag’ p’asina keda duna training na su mentornan cu ta scucha, sostiene y guia nos mucha y hobennan tur dia entre 2:00 y 6:00 di atardi.



Durante ‘Deskundigheidsbevordering Dag’ e mentornan ta ricibi training dirigi riba un tema. E aña aki no tabata otro. E tema di e ‘Deskundigheidsbevordering Dag’ di e aña aki tabata: ‘Na un manera positivo’. A para keto riba e importancia di educa positivo. E mentornan a ricibi training den Conscious Discipline for di sra. Helen Guda, kende ta psicologo/instructor certifica di Conscious Discipline. Comprende un mucha/hoben su estado mental y su reaccion riba un situacion y comunica y guia e mucha/hoben den su estado mental ta di sumo importancia.

Tambe e mentornan a ricibi un motivational speech for di sra. Tabitha Smith- Heemstadt tocante e tema norma y balornan personal y di norma y balornan di nos comunidad.

Di e manera aki e fundacion ta percura pa su mentornan sigi eleva nan nivel di conocimiento y experiencia pa por brinda servicio di calidad n’e hubentud di Aruba.



Jourienne J. Wolff a gradua di Facultad di Ley na Universidad di Aruba



DIABIERNA 5 di juli 2019 a gradua di Facultad di Ley na Universidad di Aruba sra. Jourienne J. Wolff.

El a gradua defendiendo su tesis titula: **'Het medisch beroepsgeheim en melden bij (vermoedens van) kindermishandeling'**

Comision di examen a consisti di e miembronan: Mr. R.S.T, Gaarhuis; mr. M.C.F.E. Gielen; mr. dr. C.J.M. Bollen.

Universidad di Aruba y nos di AWEMainta ta felicita sra. Jourienne J. Wolff cu su logro y desee tur clase di éxito den su futuro reto.



Durante un impresionante celebracion di su segundo aniversario:

“Aruba One Happy Island Lions Club a huramenta su directiva pa periodo 2019 – 2020”

DIA 29 di juni ultimo Aruba One Happy Island Lions Club a instala su directiva p’e aña Leonistico 2019-2020, alabez e club a celebra su segundo aniversario. Tabata un anochi hopi ameno y bunita na Indoor Cunuco Restaurant cu a wor-do prepara p’e ocasion special aki. E anochi aki a conta cu e grato presencia di Zone Chairman pa Aruba, Bonaire y Corsou compañero Leon Randolph Luciano; Presidente di Curaçao Lions Club compañero Leon Mariela Romero; Presidente di Bonaire Lions Club compañero Leon Edelmira Carolina.

Durante e anochi aki a duna e relato di aña, mester bisa cu den su segundo aña como club a resalta varios proyecto. Banda di esaki a organisa y promove diferente campaña di concientizacion den nos comunidad manera pa ‘Tene Aruba Limpi’, ‘Trafico Conciente’, ‘Conservacion di Mangelnan’, ‘Dia di Paz’. Durante aña cu a transcuri Aruba OHIL Club tambe a organisa varios charla publico e.o. riba e tema di Medio Ambiente, Servicio Boluntario y Comunitario, Malesa di Diabetes y Presion, Lecturanan riba Concientizacion pa un trafico sigur pa Cuerpo Policial, Fundacion Zinnia y FADA. Tambe e club a participa na diferente reunion di Zona, Convencion di Distrito y Instruccion Leonistico.

Ademas a organisa diferente actividad pa recauda fondo manera



e.o. Bingo y Feria di Sopi. Durante e aña cu a transcuri Aruba OHIL Club a ricibi Reconocimiento for di Oficina Internacional di Clubnan di Leonnan pa aumento den membresia. Un aña exitoso pa cual e club por ta hopi orguyoso p’esaki.

INSTALACION DIRECTIVA 2018 – 2019:

Durante e bunita anochi aki Presidente saliente compañero Leon Ferdinand Curiël asisti p’e Secretario compañero Leon Carla Martinus a instala compañero Leon Junior Arends como e Presidente di ‘Aruba One Happy Island Lions Club’ p’e periodo Leonistico 2019 – 2020. Despues di a huramenta como Presidente compañero Leon Junior Arends a instala su hunta di directiva nobo como lo siguiente: Vice-Presidente compañero Leon Eugene Dubero, Secretario compañero Leon Carolina Croes, Tesorero compañero Leon Ferdinand Curiël y alabes Presidente saliente, comisario encarga cu Afiliacion

di Miembronan compañero Leon Raymond Wever, Comisario encarga cu Servicio Comunitario compañero Leon Doris Lacle-Eugenio, Comisario encarga cu Actividad pa Recuada Fondo compañero Leon Richard Tromp, Comisario encarga cu Mercadeo y Relacion Publico compañero Leon Kenia Brito, Coordinador pa Lions Club International Foundation compañero Leon Neil Norton Thomas, Coordinador di Programa Leonistico compañero Leon Vanessa Olive y Tail Twister compañero Leon Angelo Koolman.

E directiva nobo lo guia e club durante e aña Leonistico 2019 – 2020, cual lo bira un reto p’e organizacion cu tin bunita plan y proyectonan na beneficio di nos comunidad. Aruba One Happy Island Lions Club t’e club di servicio mas jong aki na Aruba y durante su dos añanan di existencia a demostra su derecho di existencia sobresaliente den servicio boluntario na bienestar di nos comunidad.

Brazil Taekwondo su team ta train cerca Jesus Tortosa na Spaña



SIMAN pasa e team di Train Hard Fight Smart a biaha pa Hulanda y despues a biaha pa Madrid, Spaña pa train n'e trainings camp di Jesus Tortosa.

Jesus Tortosa ta un di e grandinan di tempo di su tempo hunto cu Henk Meijer cu t'e guia di e team di Brazil Taekwondo Stichting "Train Hard Fight Smart".

Henk Meijer tin varios aña caba ta guia e team di Aruba y a logra varios premio grandi rond mundo. Henk Meijer ta premira algo grandi den e team y ta haci esaki cu curason.

E team ta train n'e camp di Jesus Tortosa y a topa cu e team di Ecuador cu ta preparando pa e Pan Americano.

Mel Mina tabata na Aruba na aña 2018 y a participa den Best of the Best y ta un di e atletanan di Ecuador cu ta n'e camp di Jesus Tortosa.



Winifrida M.M. Figaroa a gradua di Facultad di Ley na Universidad di Aruba



DIALUNA 8 di juli 2019 a gradua di Facultad di Ley na Universidad di Aruba sra. Winifrida M.M. Figaroa.

El a gradua defendiendo su tesis titula: **‘Verlies van het Nederlandschap door een meerderjarig die meer dan tien jaar buiten het Koninkrijk verblijft’**

Comision di examen a consisti di e miembronan: Prof. de Groot, i.p.v. C.J.M. Bollen, mr. M.C.F.E. Gielen y mr. N.J. Abdul Hamid.

Universidad di Aruba y nos di AWEMainta ta felicita sra. Winifrida M.M. Figaroa cu su logro y ta desee tur clase di éxito den su futuro carera.




Presentacion oficial di e buki “Aruba en een keuze uit haar toponiemen” na Biblioteca Nacional Aruba

NOMBER di luganan na Aruba manera “Cudarebe”, “Marawiel”, “Macuarima”, y “Hudishibana”, di unda nan ta bin? Cua ta nan origen? Dicon nan yama asina? E famoso filosofo Griego, Aristoteles, a yega di bisa “Duda ta e comienso di tur sabiduria”. Diez aña pasa, duda den tur e storianan y leyendanan cu ta core rond ariba e origen di e nombenan di luga na Aruba, a conduci cu Ing. Vivienno L. Frank, ex-hefe di Kadaster kantoor na Aruba, a embarca den un odisea pa decifra hopi di e enigmanan cu tabata tin tocante e origen di e toponimonan Arubiano.

Un aventura cu a dura diez aña y cu a hib’e ta consulta hopi documento y mapa antiguo, y cu a desenmascara hopi leyenda bieuw y alavez a pone cu mitologianan nobo a mira luz di dia como “posibel berdadnan”. Berdad ta cu nan tabata mara wiel na Marawiel... pero no n’e forma cu folklore local ta relata. Mayoria hende na Aruba sa cu “Hudishibana” y “Cudarebe” tin nan origen den lenga indjan antiguo, pero cua idioma y kico nan traduccion ta na Papiamentu, ta un di e topiconan central di e buki. Cu Macuarima ta bin di un number di un princesa indjan? No segun Ing. Frank, kende ta manda e storia aki p’e mundo di fantasia di un conosido escritor arubiano, y ta argumenta e posibel berdadero origen di e number.

Diamars awor dia 16 di Juli proximo, cuminsando pa 7:30 di anochi, Biblioteca Nacional Aruba na George Madurostraat 13, lo tin e placer pa Ing. Vivienno “Vi” Frank en persona presenta su buki “ARUBA EN EEN KEUZE UIT HAAR TOPONIEMEN” (“ARUBA Y UN SELECCION DI SU TOPONIMONAN”), y splica entre otro kico ta e diferencia entre un toponimo (toponiem na Hulandes) y un number cu ta core den boca di pueblo. Un buki cu ta encera diez aña di trabou y cu ta trata origen di number di casi 300 luga aki na Aruba. Por-tanan di Biblioteca Nacional Aruba lo habri pa 7’or di anochi y entrada lo ta completamente gratis pa publico. Mirando e capacidad limita di Biblioteca, ta anconseha un y tur pa ta presente tempran pa por haya un lugar adecua.




Biblioteca Nacional Aruba
Ta Presenta:
Introduccion oficial di e buki

ARUBA
EN EEN KEUZE UIT
HAAR TOPONIEMEN


UN ANTOLOGIA DI E ORIGEN DI
NOMBER DI LUGANAN NA ARUBA
skirbi door
Ing. VIVIENNO FRANK Sr.

Fecha: Diamars, Juli 16, 2019
Luga: BIBLIOTECA NACIONAL ARUBA
George Madurostraat 13
Horario: 7:30 PM (Porta ta habri 7:00 PM)
Entrada: GRATIS.


Biblioteca Nacional Aruba

Den 'rip-deal' cu a bay robes

Fiscal a pidi 16 aña preso pa duo asesino di Zino Ignacia'



ROTTERDAM. Diabierna ultimo un tribunal na Rotterdam a trata e caso di asesinato dje Curasoleño Zino Ignacia (30) dia 15 di juni aña pasá na Rotterdam. Zino Ignacia riba e dia en cuestion a core bay Rotterdam for di Roermond pa topa e duo Curasoleño Michael (33) y Oswaldo (34) kendenan a keda arestá como sospechoso di asesinato di Zino Ignacia y a traha sita cu e duo pa cumpra cocaina serca nan pero en realidad e duo a lòck Ignacia bin Rotterdam pa nan kita sèn for di dje. Segun fiscal, ta Michael lo a lòs e tiro mortal y den corte a declará cu tabata un deal cu a bay completamente robes. E caso a cuminsa caminda un conosí di Oswaldo a pidié pa regla un deal di droga pe e dia ey. E conoci mes no kier a atendé directamente cu Zino Ignacia pasobra e tabata deb'é placa ainda. Oswaldo C., na su turno a pidi Michael yud'e y Michael a bende su auto pa haña sèn pa cumpra 800 gram di cocaina pa 24.000 euro. Alo menos esey tabata version di Ministerio Publico. Michael y Oswaldo cada un lo a haña 2000 Euro pa nan intervencion. Ignacia a fia e Peugeot còrá di su amiga pa core bay Rotterdam pa regla e deal y a topa e duo den un apartamento chikito na Sandelingenpleyn. Ignacia a yega cu un tas blou y hun-

to cu Oswaldo nan a sinta riba cama mientras cu Michael a bay den cushina pa cue e blòki di cocaina ora cu Ignacia a cuminsa fròmel den e tas blauw. Ora Oswaldo a nota esaki, ela bira nervioso pasobra ela pensa cu Ignacia por tabatin arma den e tas blauw y ela lanta atacá Ignacia kende ta un homber grandi. Michael kende tabatin e droga den su 'hoodie' a saca su arma di candela y a lòs un tiro den aire y ora e pelea a sigui, ela tira dos biaha dirigi riba Ignacia. Ignacia a haña tiru na su scouder y garganta y un dje balanan a scarmai cocoti di Oswaldo y e duo cu kier a rip Ignacia a Sali na careda foi dje cas. Ignacia a purba bay nan tras pero ela dal algun paso y a cay muri.

NAN KIER A RIP IGNACIA

Ministerio Publico tabatin basta problema cu e version dje duo.

Segun fiscal, e duo no tabatin ningun intencion di bende droga pasobra nan no tabatin droga mes!

Ta di antemano nan a traha e plan pa kita e sèn for di Ignacia y polis tin grabacion telefonico caminda na Papiamentu nan ta discuti con nan ta bay 'lanta' Ignacia.

E traduktor a tradusi e palabra 'lanta' den 'estafa' pero lanta ke men tambe lanta foi soño.

Durante continuacion dje caso djabierna ultimo fiscal a cuestiona e version dje duo estafador cu ta den laira Michael a tira pasobra tabatin bala pegá den plafont.

DETENCION RAPIDO

E mes anochi polis a gara Oswaldo pasobra hende riba caya a nota number di su auto ora nan a hui.

Bisiñanan a mira cu su paña tabata na sanger y despues di su detencion nan a haña mancha di pòlbu na su mannan.

Un siman despues polis a arestá Michael na cas di su ruman muhé.

E tribunal a constatá cu ambos acusado tin carchi di castigu serio manera intento di homisidio, violencia domestico, atraco y secuestro.

Dia nan a mata Ignacia, Oswaldo a caba di sali den libertat condicional foi prisòn.

PLACA SUSHI

Nunca mas polis a haña ni e placa ni e tas blou aunke nan a mira Oswaldo despues dje suseso cu e tas blou.

Ora polis a detené, e tabatin casi 6000 euro den su poder pero ela bisa polis cu ta su famianan a duné e placa pa e hui.

Poco despues dje tiramentu ela manda un mensahe pa su ruman muhé caminda ela bisa cu e tin sèn pero ta sèn sushi.

YUNAN DI ASESINO

Diabierna ultimo e amiga di Zino Ignacia a haci uso di su derecho pa bisa algu y yorando ela dirigi su mes ne duo maton bisando nan "...boso tur dos ta asesino. Mi dos yiunan ta marca pa bida y nan tin cu biba sin nan tata y henter nan bida nan tin cu bisa hende cu boso a tira nan tata mata". Y pa completá su discurso mama dje dos yiunan a bisa e duo maton cu boso yiunan lo lanta bibando cu e hecho cu boso ta asesino.

CHERRY RIBA E BOLO

Fiscal di Ministerio Publico den su rekisitorio a pone e cherry riba e bolo y a pidi un castigu di 16 aña pa ambos acusado y na su turno Oswaldo a opservá cu ela spanta pisá dje demanda siendo cu no ta e a tira.

Diabierna otro siman lo tin veredicto pero djarason otro siman Michael lo ta dilanti hues atrobe pa un otro caso criminal.

Rabo di avion di KLM a dal avion di Easyjet



SCHIPHOL. Un avion Airbus di e compania di aviacion europeo Easyjet y un Boeing 737-800 di KLM a toca otro levemente ayera mainta riba pista na momento cu durante un maniobra pa subi pista e ala robes dje Airbus a toca e Boeing di KLM y ambos avion a sufri poco daño.

Ya pasaheronan tabata den ambos avion pero a torná na nan sitio pa baha pasaheronan.

E avionnan a toca otro na momento cu truck di 'pushback' tabata pusha e avionnan for di plataforma.

Ningun a sufri lecion pasobra e toke tabata leve.

E avion di KLM tabata bayendo Madrid y e avion di Easyjet tabata bayendo Londres.

No por bisa nada ainda ta ken su falta pasobra na momento dje incidente no t'e pilotonan tabata manehá e avionnan.

Pa ley, tore di control ta responsabel pa tur movimiento riba pista y den aire na Schiphol y cualkier aeropuerto na mundo pero ningun hende kier culpa ningun otro hende sino nan kier sa ki a pasa.

A mèld e incidente na polis kendenan a controlá e pilotonan riba uso di alcohol y nan lo tende e chauffeur di pushback tambe igual cu e persona cu tabata dirigi

e trafico for di tore di control.

E Boeing 737-800 di KLM ta nobo-nobo y na momento dje incidente ainda tabata pará cu direccion pa gate mientras cu e Airbus di Easyjet tabata lorando y e ala robes a toca e parti patras di body dje Boeing.

Esey a pone cu un pida dje rabo dje Boeing a scheur. E experto di aviacion Joris Melkert di Universidad di Delft a calificá e caso como un incidente chiki caminda posiblemente e chauffeur di pushback truck no a pagatino un rato.

E tipo di insidentenan alo aumentá mientras cu e cantidad di buelonan pa Schiphol aumenta y mester pone maximo énfasis riba incidente.

Melkert a studia foto dje incidente y ta kere cu te Boeing a bèk demaciado rapido y a pusha dal den e otro avion.

Ultimo biaha cu casi tabatin un axidente asina na Schiphol tabata na yuni 2014.


Acusá di asesinato

Tratamento di caso di Gherardi Jansen (24) posponé pa 30 october

WILLEMSTAD. E ciudadano Gherardi Jansen di 24 aña di edad mester a presentá den sala di corte acusá di a asesiná L.G. Frederick dia 21 di yanüari 2018. Pues e acusacionnan contra Jansen ta enserá tambe posesion di arma di candela.

Tratamento di e caso no a continuá pasobra hues señora mr. G. Edelenbos, fiscal mr. Ivo Out y abogado mr. Eldon Sulvaran a concluí cu tratamento di e caso no por tuma lugá ainda, pasobra mester haci mas investigacion di importancia, entre otro mester scucha mas testigo.

Abogado mr. Eldon “Peppie” Sulvaran tabata presente, pero conhuntamente a yega na e conklucion cu



ta wanta cu tratamento di e caso te dia 30 di òctober binidero.

Coriendo bou di influencia

Jemar Martina a reconoce su fayo dilanti di hues

WILLEMSTAD. E ciudadano Jemar Martina tabata den sala di corte y mesora a reconocé su fayo di a core auto bou di influencia di alcohol y a couse un accidente den tráfico.

Tabata dia 13 di april 2019 cu un shofùr di un vehículo a core auto baha for di caminda y dal den e mobiliario di caminda público.

A yama polis na e sitio pa resultá cu ta trata aki di Jemar Martina, kende tabata e shofùr. Jemar Martina segun prosèsverbal tabata hole fuerte na alcohol y su wowonan tabata hopi kòrá, como tal e promé indicacionnan cu e tabata bebé.

Mesora despues di e accidente Jemar Martina a drenta den combersacion cu polisnan y a reconocé cu ela bebe bastante wiski na e restaurant dilanti di pòmp di gasolin na Mari Pampun. Huntu cu algun otro persona nan a cuminsá for di mas of ménos 8 or di anochi ta dal trago, pero djey el a drenta auto alrededor di 3.15 or di

mardugá core bay den direkcion di Gosieweg, caminda el a couse e accidente.

Na aña 2013 caba Jemar Martina tabata envolví den un accidente di auto, pero e tempu ey e tabata menor di edad y a dun’é solamente un castigu di trabou pa e violacion cometé den tráfico. Entre tantu Jemar Martina tin 26 aña di edad.

Den sala di corte Jemar Martina a trese padilanti cu e tabata robes, pero esaki lo ta e último biaha cu algu asina ta pasa cuné. El a primintí cu hamas lo e core auto bou di influencia.

Hues y fiscal a mostra Jemar Martina cu e por ta sigur cu e próximo biaha cu e bolbe faya, lo e pèrdè su reybeweys.

Pa fiscal un but di 1000 florin pa core auto bou di influencia di alcohol, mas 250 florin di but pa manehá auto di forma peligroso ta sufisiente. Hues a bay di acuerdo inkluso cu e posibilidad cu Jemar Martina por paga e but di 1000 florin den 5 biaha.

Hues a demostrá comprencion pa Jualberto de Abreu Junior



WILLEMSTAD. Dia 1 di april e ciudadano Jualberto de Abreu Junior di 46 aña di edad a hañ'é den un axidente di tráfico na e krusada Winston Churchillweg – Schottegatweg Noord.

Segun de Abreu Junior e tabata bay busca muchanan na scol den oranan di mèrdia y pa un descuido el a hañ'é den e axidente ariba mencioná. Papiando di su situacion personal a sali na kla cu e ta salesman pa un panaderia conosí aki na Kòrsou, pero cu nunca promé el a hañ'é den un axidente di tráfico.

Señor de Abreu Junior a splica mas aleu cu e tabata den su vehículo Hilux cu e plachi di number X 87-21, na momento cu lus di tráfico a cambia pa kòrá sin el a tuma nota di esaki sufisientemente na tempu.

Jualberto saliendo for di Winston Churchillweg a sigui core subi Schottegatweg Noord y asina ey a alcansá un otro persona den un vehículo Nissan Urvan. Fiscal mr. Ivo Out a demandá butnan di 300 florin pa core pasa den lus di tráfico riba kòrá, mas 500 florin pa core auto di forma asina peligroso.

Den sala di corte Jualberto de Abreu Junior a pidi disculpaa na esun den cua el a core dal cu su vehículo, kende tabata presente den sala di corte.

Abogado mr. Uldrick Dickens cu a hiba e defensa na

nòmber di Jualberto de Abreu Junior a muestra cu ta difísil haña un calculacion rasonabel pa altura di e butnan cu Ministerio Público a demandá.

Segun e abogado Ministerio Público mester a detayá un poco mas exakto a base di kico ta yega na e butnan ey, pasobra di parti di su kliente ta puramente pa motibu di a paga ménos atencion y sigur no ta cuestion di core auto èxprès pasa den lus di tráfico.

Su kliente a frena pero no ta na tur dos banda e frenonan a funcioná debidamente.

Na banda robes a mira marcanan di tayer cu ta alcansá 39 meter riba e caminda, siendo na banda drechi esey tabata 30 meter solamente. Ademas segun e abogado posiblemente e vehículo cu Jualberto de Abreu Junior a core dal den dje su velocidad tabata riba 80 kilometer pa ora.

Mas aleu e abogado a splica cu Jualberto de Abreu Junior tabatin tur su documentonan corekto, esta papel di seguro, documentonan relacioná cu kùrmentu di e vehículo, reybeweys, cu lo ta ilustrá sufisientemente cu su kliente ta unu cu comportacion responsabel den tráfico.

Enfin, scuchando tantu Ministerio Público como e abogado, hues finalmente a bay di acuerdo cu butnan di 300 y 500 florin manera a keda demandá.

Entrada hudicial cu 4 detencion

WILLEMSTAD - Dialuna 8 di yüli 2019, alrededor di 22.55 or, Tim di Mantencion di Órden Público hunto cu personal di Tim di Atraco, a tene entrada hudicial na un cas den área di Coral Partier. Esaki ta en conekcion cu extorcion.

Na e cas en kestion polis a detené cuater (4) hòMBER sospechoso. Ta trata di:

- G.D.L.I. di 21 aña di edad;
- J.J.G. di 18 aña di edad;
- R.S.M. di 18 aña di edad y e hòben
- R.M.H. di 16 aña di edad, tur cuater nasé na Còrsou

A presentá e cuarteto dilanti un Fiscal Auxiliar cu a



ordená nan encarselamento pendiente di mas investigacion.

Entrada hudicial cu dos detencion y confiscacion

WILLEMSTAD - Dialuna 8 di jüli 2019, alrededor di 17.15 or, Team di Mantencion di Órden Público conhuntamene cu e Recherchenan di warda di polis Montaña, a tene dos entrada hudicial na dos cas den área di Montaña'bou. Esaki en conexion cu violacion di e Ley di Opio y e Ley di Arma di candela.

Durante di e investigacion na un di e adrèsnan en cuestion, polis a haña y confiscá:

- 1 arma di candela harmá cu municion;
- 4 saco di plastic grandi di marihuana;
- 1 saco di base;
- 1 pida grandi di hash;
- 1 sheridan;
- 11 saco di simia di marihuana;
- 1 balansa pa pisa droga;
- artíbruto pa prosesá droga y
- 1 baki cu ta contené shete (7) municion skèrpi.

En conekcion cu esaki a detené un (1) hòMBER sospechoso:

- N.A.M., di 26 aña di edad, nase na Còrsou, pa



violacion di e Ley di Opio y e Ley di Arma di candela.

Na e otro adrès a detené un otro hòMBER sospechoso:

- J.L.A.I., di 28 aña di edad, nase na Còrsou. E sospeshoso akí a keda detené pa maltrato.

A presentá tur dos sospechoso dilanti un Fiscal Auxiliar cu a ordená nan encarselamento pendiente di mas investigacion.



Gradicimento & Invitashon

Na number di suyiunan y famia nan nos kier a manda un palabra di gradicimento in mensona tur cu di un manera of otro a muestra atencion, consuelo y of sostendurante e momenton andifical di fayecimento di nos estimada mama-weladefuntastima:



Clotilda Susana Croes

"Annie- Nana"

Nos ta gradici tur Amistad, bisia, amigo(a)nan, dokter, verpleegster y AZV.

Un danki special nastaaf y personal di Aurora Funeral Home pa nan bon servicio.

Alavesnos kier a invita un y tur pa compananosna 3 Santo Sacrificio di Misa cual lo tumalugarna Parokia Santa Annana Noord.

dia: 10 july 2019 pa 6:30pm

12 july 2019 pa 6:30pm

13 july 2019 pa 7:00pm

Bosopresencia lo ta altamenteaprecia.



Gradicimento y invitacion

Sra. Mariëta y yiu Daisy y ruman Rosie di defunto



Tico Croes

Kier a manda un danki di curasonna: Dr.Gregory Lacle y Dr.Benjamin Croes, Zaalarts y tur e verpleegkundigennan di afdeling Intensive care. Dr.Alex Kock y famia di Lite Life, personal di ambulance. Royal Funeral Home, pastor Andres Pa subunitadiscursio nan: Angeline Sapuana-Leung, Team di Anglo

Kleuter School, Aby Harms cu a lesa e mensahe di Shediah Baroud y Sandy Angela. Un dankina Swa y Cuñanan, sobrino y sobrinonan, bisianan, S.K.O.A, Reynaldo Suarez, Randall Croes, yTBS Brassbrand, Silvio y Marcia Hart, Mike & Doina Eman y tur su Bon amigonan. Danki special na Vivian y Gelisa di A-1 TX services y na tur e miembro nan di A-1 taxi services, BlueDiamond Taxi Services, su prima y primonan, omo y tantanan, su primo/ruman, Tony Angela y Sra. Sandy, Mike Choma di Canada. Su primo-ruman Enrique Croes, Sra. Carolina y Eduard Pieters, Sra. Suzette Janzen, Angelo y Zoya y tur esnan cu di un manera of otro a muestra nan atencion y a dunanos Consuelo, sosten y forsadurante e temporadadificilaki.

Y alavez kier a invita pa e Santo sacrificio di misadia 9,10 y 11 di juli 2019 pa 7'or di anochina Misa

Inmaculada na Santa Cruz.

Bosopresencia ta altamenteaprecia.



"Laga e muchanan biniserka Mi,
No kitanan di bini,
Pasobra reino di Dios tapertenese
Naesnan manera nan"
Mateo 19:14

Cu hopi tristeza pero conforme cuboluntad di dios, nos ta participa fayecimento di nos angelito hopi stima:

D'Angelo Djoen Webb

Yama cariñosamente D.G.

*27-01-2004 - 04-07-2019

Na number di su mama: Lisbeth Webb
Tata: Angelo Laurant
Rumanan: Bryan Webb
Liandro Webb
Ozzie Webb
Welan: Lucita (Chita) Webb-Geerman
Sandra Laurant
Welon: Martin Webb
Charles de Lima
Tantan: Patricia Laurant y famia
Valeska Laurant
Omon: Raul y Neke Webb
Gilbert y Jo-Ana Kelly
Dennis y Natusha Webb
Sergio y Shahaira Laurant
Primanan: Adia Laurant
Diandra Webb
Tatiana Cuba
G' Ana- Marie Kelly
Primonan: Isaias Webb
Jacob Webb
Gilbert Kelly
Gilmer Kelly
Madrina: Edisona Cardoze
Padrino: Raul Webb

Demas Famia: Webb-Laurant-De Lima- Geerman- Kock- Perez- Matos- Tromp- Krozendijk- De Cuba- Angela- Willems- Arcaya- Cuba- Kelly- Boekhoudt- Paesch- Kransen- Orman- Britten- Wever- Thode- Maduro- Koolman- Lopez- Peinado- Farro- Rombley- Chirino- Guanipa- Croes- Lampe- Melendez- Laker- Castellanos- Leon- Cardoze- Eights.

Ta invita tur bisia y conocirnan pa asistina e acto di entierro cual lo tuma lugar diasabra 13 juli 2019 na misa Santa Anna na Noord.

Resto mortal di nos angelito lo ta reposa for di 2or di atardi den misa y pa 4or di atardi saliend di misa Santa Anna pa Santana Catolico Noord.

Lo baytin un box disponibel den misa pa un bon causa.

Condolencia lo tuma lugar riba siguentedianan y na cas Kamay

12 B:

Dialuna 8 juli 2019 for di 7or pa 9or di anochi.

Diarazon 10 juli for di 7or pa 9or di anochi.

Nos kier a pidi nos disculpa si den nos tristesa nos por a lubida un of otro famia.

Ta lamenta pero despues di entierro nos no taricibishita di condolencia nacas.

Ta desea pafamia no binnarouw, sino ta desea pabinna Baby Blue.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento Cristianamente di nos primo, omo, ruman y yiu stima:



Anselmo Simeon Tromp

*21-04-1953 - †04-07-2019

Na number di su:

Tata: ††Selestino Tromp

Mama: Romana Tromp Tromp

Rumannan: Pascualita Tromp & yunan na Hulanda

Leonora Tromp & yunan na Hulanda y Aruba

Escolastica Tromp & yunan na Hulanda

Orasio Tromp na Hulanda

†Felisita Amalia Tromp & yunan na Hulanda

Leticia Tromp & yunan na Aruba y Hulanda

†Apolonio Daniel Tromp

Subrina stima: Rebecca & esposo Hendrik Webb y yunan

Omon: Asinto Tromp

Damasco Tromp

Subrinanan y subrinonan na Aruba y Hulanda

Prima y primonan na Aruba y Hulanda

Swan: Wilfred De Cuba

Bisente Croes

Cuñanan: Rosa & yunan na Hulanda

Bernadina Hulia & yunan na Hulanda

Y demas famia: Tromp, Franken, Wolff, Faro, Croes, Henriquez, De Cuba, Schaap, Brigita, Geerman, Arends, Britte, Maduro, Giel, Boekhoudt, Hoek, Werleman, Kelly, Ruiz, Figarouba, Gomes, Aparicio y Webb kier a invita tur amigo bisia y conoer pa asisti na e acto di entierro cual lo tuma lugar diabierna 12 di juli 2019 na misa Santa Anna di 2'or pa 4'or pm despues saliend pa Santana catolico na Noord.

Oportunidad pa condolencia: diahuebs 11 di juli 2019 na Aurora Funeral Home di 7'or pa 9'or pm.

Nos disculpa si nos por a lubida algun famia den nos tristeza y alavez kier a anuncia cu despues di entierro nos no lo ricibi bishita di condolencia na cas.

Den Noticia

Noticia directo y confiabel.

Presenta tur media di 12'or pa 1'or

Cu Victor "Toko" Winklaar
y Alexa Werleman

na G-FM Galactica 99.9





E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL